



詩
心卷十三

和16
1.259
4



門
卷
1259
4

午亭文編卷十一

門人候官林佶輯錄

今體詩

秋夜入直待漏東闕下有懷青岳翰長肇餘玉階
兩學士

年光流盡宮前水幾度寒聲襍玉珂
漆簡數行吾自媿
冰銜三字意如何
鼓笳中夜黃雲合
風雨深秋白髮多
最是周廬趨直地
侍班輪日不同過

輓王考功子底宋觀察玉叔

素旒齊城北
朱幡蜀道東
蕭條萬里外
淪沒一年中
世路憐諸子
交情盡二公
招魂傷宋玉
死孝憫王戎
賦鵬才猶壯
哀麟筆遂終
玉棺天上落
瑤瑟寢堂空
暮雨懸

鄰杵秋雲冷殞宮夜臺歸有伴泉路恨何窮前後銓衡
地淒涼詔獄同范滂真蹇諤裴楷自清通滌鏡南曹月
琅璫北寺風宦途紛轢軻襟抱得冲融顛躓非天意生
全荷嘉蒙西樵前後
官吏部下詔獄聖聰追隨思夙昔狂醉笑兒童名列
班揚盛文兼沈鮑工妍媸刻畫瑕垢屬磨礱章句功
名薄生涯負販雄霜摧漢時柏風折嶧陽桐歲月魚吞
餌乾坤鳥觸籠漂搖驚汎梗慘澹送飛蓬腸斷山陽笛
悲迷朔塞鴻池塘春草綠謂阮亭
女石北隴野棠紅腹已真成
痛心還暗欲忡九原人在否灑淚向荒叢

九日 內直恭紀

禁鑰霜鐘度掖門佳辰入侍亦 新思夾城紅葉飄深
樹別殿黃花進內園畫刻詞曹金簡祕曉風天上 玉
音溫承平時節慚文翰戎馬何能報 至尊

次韻曹頌嘉和田綸霞九日同謝方山飲黑龍潭

晚遊刺梅園看松詩四首

高秋征馬幾時回節序邊書日又催鴻雁也從烽燧少
菊花應傷戰場開雄都紫塞頻傳檄霸業黃金舊築臺
且斂登臨詞賦手故園遠望當歸來
冉冉飛雲萬壑低鄉心迢遞夕陽西關山木葉歸來晚
兄弟茱萸插處齊秋水平橋初攤席寒花繞屋自成畦
樊川舊日登高地濁酒淋浪醉似泥
滿目青山赤羽馳天寒沙磧野營移城高白帝霜砧斷

秋盡黃陵畫角吹幾處漁樵逢戍壘千村征調見旌旗
多君苦憶昇平事貫酒悲歌寐莫時
城南咫尺吾難到潭水園松兩絕塵歷盡滄桑含貝闕
燒殘劫火老龍鱗正思叔迨呼垂釣欲擬興公荅比鄰
退食舍人無事否好娛風日趁閑身

菊遲有作

去歲采花香汎酒今年對酒菊遲回歡淒蚤判心顏改
風雨將闌節序催似向高秋堅壁壘故教嫩蕊近尊罍
上林霜後稀游幸應遣寒英細細開

追悼王西樵吏部兼懷阮亭

海內誰知己相思大小王風來關塞遠月落夢魂長多
病寬腰帶流年積鬢霜鴿原悲宿草重與淚霑裳

魏環溪少司農為李晉陽索題柳林二首

何處登臨望渺冥柳花飛後柳烟青灞橋官樹連鄉樹
子舍輿亭接柳亭

司農奉母太夫人所居曰輿亭

常公舊蔣庭前柳郎省他時對斂容惆悵柳林秋色裏
西風落葉滿居庸

和貽上嘉陵驛見懷

客裏音書寐莫遲西風過雁苦參差窮交別後三年淚
好事傳來八子詩杜曲寒花秋送遠嘉陵古驛夜相思
銷魂橋外殘陽樹衰柳天涯憶汝時

風夜程子至

天風響不輟吹汝到空堂夜動霜林白寒搖落月黃鼓
鐘連歲晚礮杵入宵長話盡蒼茫裏因君思故鄉

上官松石畫

雲樹蒼蒼隔寺樓亂山飛瀑屋西頭花時恐有漁舟入
肯使桃紅出澗流

懷吳蘭次揚州

十年僦屋西街住山色東窗共短籬隔坐秋燈聞夜語
蚤朝官馬並晨嘶江寒北雁春前少人去鄰花雪後遲
渺渺蕪城烟水濶蘄樓明月憶君時

雪夜口號

黃沙漠漠雁聲微鼓角緣邊送夕暉大帳金川江月暗
前軍鐵鎖陣雲飛塵昏壁壘長橫槩氣冷關山未授衣
最憶苦寒諸將士好乘雪夜破重圍

冬日寫懷同郭快菴太史李容齋侍讀袁杜少上

舍作

朋舊栖遲旅興寬西堂霽雪對憑闌九邊馬槩霜雲動
大將龍堆曉月殘裘馬黃金燕客老關城橫吹楚江寒
久憐詞賦朱顏減尚倚狂豪議築壇

弔富川令劉江屏殉節詩

諱欽鄰儀真籍廬陵人順治辛丑進士死粵西亂贈光祿少卿

荒城落日陣雲閑烈士如生碧血殷太尉威靈高戰伐
杲卿風節壯河山孤忠誓死收羣盜數語臨危動百蠻
感泣 至尊當殿詔科名終不媿朝班

瓶梅八首

紙窗竹屋奈銷魂相對孤花自掩門
解愛寒鐙上疏影不愁明月照黃昏

嶺外烽清驛騎來閣門傳火捷書開
殘年卧隱寒檐日索共梅花笑幾回

官閣谿橋記別離山邨風雪夜相思
不因蕊細枝斜處愁絕天涯歲暮時

博得身閑萬事輕曉鴉啼後夢難成
朗吟對汝北窗下冷豔寒香非世情

人生婚宦多憂累顛顛紅塵悔舊時
卻笑孤山林處士棄家還作有情癡

禁鐘催曉別花行凍壓寒雲雪滿城
駐馬風前聞玉笛故園腸斷落梅聲

舊時一本數金直翠幙香綃逗蚤春
寂莫朱門半上鎖樓前愁絕賣花人

羅浮蕭瑟渺雲烟庾嶺荒寒劇可憐
萬里邊愁惱清夢五更風雪夜窗前

歲除容齋席上送緯雲還宜興兼寄其年

隔夜春帆被急裝一尊歲酒作離觴
江山易老東西別風雨難分上下牀
入洛機雲羈客恨游秦枚馬著書狂
買田陽羨時將晚寄語樵漁笠澤傍

除夕二首

顛倒天吳繡兩頭花鈿掃盡笑淹留團團醉舞春燈下
病婦饑兒也未愁

玉箸金盤 御榻高昇平節物夢魂勞 王師蚤報收
邊郡更典朝衣貫濁醪

元日祠祭免朝賀恭紀

東來王氣滿春城馳道風雲接兩京天意車書同奉朔
帝憐兵革罷朝正鑪香影裏千旗動燎火光中萬馬行
總為蒼生禋祀切漢家五時是虛名

孝陵忌辰呈楊侍郎楊新自 陵上來

宮車思往日園寢歎春風廿載兵戈後 先朝夢寐中
翠華臨想像玉殿在虛空白首儒官老當時供奉同

春夜齋宿院中有懷同學諸子

南內春雲接禁闈御溝流水送斜暉風前白燕寒無影
月下青槐大幾圍侍從 先朝同昔夢弟兄廿載各分
飛齋宮此夜聽新漏藜火燒殘閉舊扉

春月

圓月他時好春來夜自明九霄金鑰夜萬里玉闕情宛
轉懸雙闕迢迢過列營刀環空有夢流影照露纓

晉國

晉國強天下秦關限域中兵車千乘合血氣萬方同紫
塞連天險黃河劃地雄虎狼休縱逸父老願從戎

午日同北山豐臺看芍藥二首

韋曲春時嘗爛熳藥闌午日重裴回已憐菡萏參差出
更遣榴花寂莫開

兩度看花也滯留重來風景不勝愁飄零十載尊前客
惟有黃門記昔遊

問王給事病

昨夜眠多少思君落月時高齋聞雁蚤秋圃見花遲省
掖稀囊草安危有鬢絲連朝同寂莫吾病亦措離

奉送宛平田公之奉天二首

千里嚴裝塞下過雕鞍落日出關河蚤聞星漏趨蘭省
歸約銀青送玉珂遼海長城邊郡遠南陽帝里近親
多趙張方略清威重况是銷兵在政和

形勝雄都百戰塵留臺風紀節旌新中朝應切安危計
內史須煩社稷臣風雨諸陵秋色遠雲山三輔夢魂
親綸書計日看徵召回首鋒車塞草春

送熊縣丞之錢塘

疎柳涼蟬潞水流驪駒朝發暮扁舟江山萬里多新壘
風月西湖是舊遊客路音塵戎馬外故人愁病別離秋
不須隱吏誇梅福投筆君須學虎頭

寄上何公江寧

江左風流間代興相門森戟夢孤棧錦袍舊賜花前着
團扇初恩袖裏承倚檻雲山連北塞飛觴烽火過西陵
丈夫五十身強健縮手菰蘆恐未能

送趙玉藻編修典試東粵

炎天欲盡路冥冥
庾嶺梅花古驛亭
馬援柱邊銅鼓暗
尉陀城下燧烟青
百蠻文字珠光合
諸將弓刀海氣腥
傳語有苗干羽盛
垂衣天子日談經

立秋日子顧繹堂貽上湘北幼華過集二首

生死傷心後悲歌
把臂初西樵荔裳相繼滄二皇天留數子
秋日集

喜廬風雨孤亭窄
苔花晚徑疎
不慚供給薄
離別較何如

舊雨如今雨
新秋勝往秋
生涯堪一笑
杯酒失窮愁
吹角江雲斷
啼猿蜀道幽
飄零今暖眼
酩酊且相留

移居懷林澹亭

鬱鬱久居此
天涯又卜鄰
秋花今別汝
社燕並辭人
岑寂長愁地
漂搖獨去身
偶因違咫尺
轉益念交親

七月廿七日移居宣武門東街二首

眾峰晴自出
為此卜幽棲
卷幔秋風入
鈎簾落日低
纔容旋馬地
已得種花畦
望眼雲山外
愁時只向西
九達倚徒遍
四海問吾廬
垂盡將歸橐
飄零舊著書
殘生闕藥餌
萬事託樵漁
鴻爪東西意
天涯任所如

望西山

列嶂橫天壁
連雲並女牆
晚風落空翠
疎雨溼斜陽
巖壑鄉心亂
關河別路長
白雲如蓋處
冉冉近高堂

送李仲如之奉天治中仲如相國子

相公門第映重暉佐治留都願豈違沛郡纔為湯沐邑
鎬京元是帝王畿六軍錦水新移陣萬壘松山舊合
圍初守四朝疆圉重應須奏最報綸扉

和湘北再送仲如

玉笛關山遠送行欖槍影落罷東征霜高元菟秋深成
月上黃龍塞外城木葉砧聲催別思玉堂詩句悵離情
公餘詞賦知無敵欲使才名重兩京

送史子修編修歸省

十載詞臣省覲歸直廬初罷講筵違牙籤綈几辭天上
綵袖鑪香出禁闈歲月慙虛南史筆兵戈猶見老萊衣
承歡縱說天顏喜宵旰於今未霽威

容齋招同子顧繹堂貽上讌集四首

苔竹參差長軒窗杳窳通故教迷出入不自解西東夏
果侵階落秋花遶屋紅盆池綠蘋未翻浪五湖風
數過歡娛地蹉跎鬢有絲風塵憐縱酒壁壘見殘棋鴻
雁又將至明河今未遲坐來新月上流影照蛾眉
檻古衆木秀亭深初月妍流螢破暝色宿鳥投寒烟高
齋見水石對酒懷山川自此發秋興松廬方渺然
風雨日蕭蕭初晴夜色饒銀鞍歸路險白馬向秋驕漏
遠疎城堞燈明聚市橋天涯朋舊少不惜往還遙

妙光閣次湘北韻閣故尚書芝麓龔公建

尚書游屐經行處夕照殘花寂莫紅舊館已孤簾幕月

六時猶響珮環風英雄兒女前塵在香火因緣願力空
往事不堪回首白首酒壚相就問黃公

夢玉隨

江湖渺渺見難期怪爾經年入夢遲別後頭須白幾許
可憐飛動似當時

聞笛

一片長安秋月明誰吹玉笛夜多情關山萬里無消息
腸斷風前入破聲

八月十四夜月

南鴻北燕久差池明月天涯處處隨風露已霑新鬢髮
關山猶照舊旌旗步檐曳履閑行數簾閣吹鐙獨卧遲
遙憶故山涼冷候桂花連夜影離披

十五夜不見月

秋陰漠漠夜蕭騷如水天河漲素濤三市繞枝烏宿蚤
數聲吹角雁飛高遙連候火光偏照不動浮雲勢自牢
我欲乘風上萬里手排閭闔一呼號

十六夜雨過容齋時移居比鄰

下馬堂前雨細傾衝泥少屨惜逢迎寒催落木秋礎動
夜近高樓玉漏清隔屋檐花添客思短檠鐙火足交情
卜鄰我願同晨夕投老終當學耦耕

重陽前一日同貽上湘北放生池作

紅葉黃花古寺東荷衣行亂渚禽中多生解取伊蒲味

半偈難忘綺語工秋色見鷺寒漠漠夕陽烟水晚濛濛
佛燈夜上星河冷便欲安禪就遠公

同湘北送貽上東歸

青絲絡酒玉壺香未到分攜意已傷客路蕭條偏入夢
離魂老大易霑裳即教對面翻成別卻費來書細作行
月落燈殘思後夜斷鴻寒影最蒼茫

顏澹園編修修來儀部為兩尊人求詩顏復聖裔
泰山如礪帶如河儒者勛名代不磨輅冕蚤分新綵戟
簞瓢猶是舊絃歌校書東觀青藜杖下直南宮白玉珂
對舞華筵秋夕永燭花橫月酒迴波

湘北宅宴集懷貽上東歸二首

冰雪寒沙路歸遲曉月明竹絲含別恨鐘鼓亂離情被
酒猶燕市聞歌是渭城此時茅店裏噉噉野鷄鳴
過亭急寒雁月影下紛紛古寺鐘聲落虛窓木葉聞天
涯潞河水客夢鵲湖雲行止知無定蒼茫獨憶君

冬日即事

連坊雞未唱疲馬夜行遲漏點催金鑰珂聲動玉墀朝
班存近侍官職在文辭正喜勤封事 君王召對時

生日

梅花書閣晚婆娑短景流年自勘磨拘束正教如杜老
龍鍾猶未似東坡文章小技聊為耳歲月浮生欲奈何
千里過庭風雪夜天涯燈火伴吟哦

日至陪祀宿天壇院

高居上帝列星環人向天門生羽翰漏盡金鐙渾未暝
霜深瑤草不知寒雲霞夜近通明殿劍佩春回太乙壇
一昔九霄隔塵夢卻疑下界路漫漫

三原房慎菴以季弟發公遺行屬為詩

人物關中房季弟兄名重鄭當時獨憐春草西堂句
不愧荒阡有道碑結髮文章輕萬戶傷心書卷付佳兒
青衫黃壤連枝恨淚葉翻風宰樹悲

寄汪大長洲王十一新城五十韻

故舊皆何在羈遊已自孤天涯今寡莫歲晚一踟躕歷
下周旋久江東物色殊別離吾欲老消息近全無雲樹
何寥濶風塵正鬱紆魯連終蹈海張翰已歸吳魚鳥無
嫌避山林脫覬覦乾坤雙僻倪頰仰自昭蘇憶昔芝如
蕙偏嗟亮與瑜名聲陵沈鮑交契到蕭朱秋實繁堪擷
春華照若敷一臺矜二妙十稔拙三都雷掃詞鋒迅星
芒筆陣驅文章宜特達郎署偶同趨頗覺時全盛相逢
屢讌娛鶯花晨諷詠風雪夜招呼擇勝青絲障當筵紫
繡繻尚書頻顧曲芝蘇吏部解投壺貽上有劉公賦自喜官疏
散能忘士賤拘觴行銀鑿落騎簇錦模糊晚接金門轡
王隨歸栖列柏鳥王虬悲歌從俗怪醉舞欲人扶少日堂堂
去流年冉冉徂漸離悲擊筑南郭老吹竽回首清歡地
空憐縱飲徒折梅連舊蕊去雁引新離魂夢迷行處江

山見畫圖飄蓬思杖策泛梗想乘桴嶽觀通青帝蘇臺
長綠蕪風流真秀羨物產自魁梧城郭峰當面烟波水
一隅燧烽昏戍壘冰雪漲川途戰地經三楚軍船過五
湖遭逢還感激間濶遂艱虞處士非殷杜清流有顧厨
淒涼懷卞玉照耀握隋珠歲月消鉛槧豪華付狗屠飛
騰萬里志孱弱百年軀笑口妨多病愁眉損壯夫放懷
齊塞馬微分託轅駒白髮耽詩卷青春滯酒壚殫精工
句字為樂博須臾處世從方朔逃名謝董狐根塵隨浩
劫才命受洪鑪心跡輸高致行藏困小儒觀身時自遣
觸事竟長吁百一成驚愕平生似友于晚聞慚至道故
態怒狂奴他日如重見香醪爛熳酌

哭張幹臣學士三十六韻

友朋既零落賢哲幾凋傷習俗交垂喪清流獨奮揚斯
人高位置吾道豈摧藏泗水三千士尼山數仞牆顏瓢
堪陋巷由琴已升堂經閣初刊繆名山續補亡霸圖羞
管樂儒略慕軒唐夙昔延英殿追遊供奉行衣冠存正
色星宿耀寒芒步緩晨趨珮歸遲晚袖香苦心隨豹尾
失涕近龍牀奏對封章切言詞面諍長講筵多獻替詞
館自輝光輝赫雷霆下昭回日月倚薄遊辭苑洛厚譴
得江鄉 帝念深依眷天心頓激昂再三 中旨召敦
迫舍人裝綴斧千尋幹洪鑪百鍊鋼孱羸看吐舌疾病
見剛腸燕寢鬚着在春鐙骨因涼蓋棺猶布被易篋只

空囊尚冀收遺草臨危絕諫章治安難畫策存歿易霑
裳銅馬三軍憊金戈萬戶瘡鼓輦思大將肺腑托天王
富貴恩宜報艱難志敢忘寒蟬咽危露鳴鳳集高岡天
路嗟顛折泉臺恨渺茫孤兒將旅櫬十口寄邊疆黯黯
初扃戶淒清舊直房此行歌薤露何地哭悲楊素幕逢
寒食歸舟傷戰場關山塵漠漠江漢路蒼蒼宿草樵蘇
亂新阡燧火荒大名身寂莫流慟淚滄浪哀輓交期罷
千秋有范張

丙辰元旦雪

歲除梅蕊破夜半雪花翻物色流年換生涯舊俗存風
雲含萬象鎧火開千門馬跡春城蚤鐘聲朔塞昏白須
邊王勒難可雜金根潤點銅龍漏光添白獸尊占農雜
憂喜望日別寒暄柏酒傳官舍枰盤憶故園歸田學耕
稼入社宴雞豚領取豐年瑞林廬老一村

蚤春野望

客舍淒迷黯已傷天涯悵望闕城傷雄關過雁連春色
小苑昏鐘帶夕陽歸夢不禁鄉路濶旅魂空遶塞垣長
最憐野騎行吟處細草啼鶯入大荒

奉命祭告北鎮二首

使星十道出王城獨奉函書到上京大漠北來沙磧
盡神山東望海雲生鶯花舊日朝陵路楊柳春光出
塞情曾是翠華游歷處臨軒故遣侍臣行

年庚文編卷十一
雲霄北鎮興王地官屬東來一作侍從年御墨淋漓臣
姓字神光縹緲帝山川經過玉輦生瑤草望秩金庭
接瑞烟開國龍飛根本重府寮奉使聖恩偏

發京目作

皇家秩祀重名山曉別青霄侍從班行色單車趨朔漠
離心一夜滿燕關平沙遠水春天潤細草穠花客路閑
咫尺銅龍隔清漏松棱風雨夢魂間

宿通州明日送者返城寄諸公

黝譙鼓角黯無聲鐘漏千門出帝城使院一鐙寒夜
語離亭殘酒別時情雁過塞路將書去草長河梁送客
行潞水東流卻南下北人從此更長征

征途聞笛

一片關山春月明邊愁遙起故園情回思吹笛千門夜
落盡梅花送我行

赴北鎮得家書

只問歸時更遠行高堂書信語分明那知重灑征衫淚
又是并州別後情

晚次三河縣

九邊亭障迥斜日縣樓明接近千峰落排空萬馬行崩
騰山忽斷陡絕勢難平舊合臨洶水新開駐蹕城荒烟
知古戍野火問殘營草覆寒沙淺春連朔氣生北陵終
不改道路若為情關塞東來意蒼茫隔帝京

發薊州循燕山下行向玉田道中作
迴合青冥路欲無馬蹄盡處出平蕪天臨絕塞圍沙漠
地湧連山接海隅近日喜開三殿詔當時閑按九邊圖
雕弓羽騎東遊壯卻笑終生有棄繻

燕山

一重邊鎮百重山鳳翥龍騰向北還對峙太行為左輔
近連滄海作雄關東西日月天門外開闢乾坤 帝座
間頰視九州形勝大風雲直北戍樓閑

豐潤道中

鷓鴣山前春鳥稀盧龍塞上雁長飛馬頭車軸紛如此
只送人行不送歸

馬頭車軸山名

次豐潤明日入永平界有懷京師故舊

漁陽春色晚二月尚淒淒山遶孤城濶天連野戍低征
遶辭薊北客夢近遼西溷水朝京意含情惜解携

灤州界上

路傍古時一隻埃沙際春日雙流谿古時曾見邊烽落
春日惟聞野鳥啼

灤州

山勢長當面峰巒忽四圍地經烽戍苦路遶塞天微邊
馬還東去春鴻故址飛扶蘇泉下水曾此映斜暉

宿七家嶺驛

桑柘青陰花藥紅殘春家寄五陵東行人兩地相思處

盡在寒鐙古驛中

北平懷古

淺草寒沙路春風數騎行常思射虎石何處北平城沒
羽邊雲動收弦塞月橫書生無燕頷因爾倍含情

次北平

薊門行已盡杳杳復孤征落日遼西郡春風右北平登
高望遠海飲馬出長城不作關山使誰知邊塞情

過永平懷故觀察宋荔裳二首

宋昔兵備此郡

東臨碣石觀滄海終古曹公一世雄汝在遼西懷往蹟

振衣縹緲對天風

荔裳詩東臨碣石觀滄海縹緲天風一振衣

杜陵詩盡人間意解道兼須入海求一卷文章數行淚
祇應流恨到滄洲

菟耳山

馬上盧龍塞鴻邊菟耳山流雲無定日飛雨過重關古
木生空翠孤峯點細斑征途能暫息絕頂一躋攀

雙望堡

千里營平道青冥萬仞山烟烽雙望堡征戍幾人還塞
柳春光斷邊鴻夕照閑蕭條懷古意匹馬近榆關

古榆關

白草黃雲出亂山渝河東下古榆關沙場多少征夫恨
行到長城慘客顏

望海店望山海關

孤城連積水一綫見波瀾春色臨關盡天風過海寒滄
溟今浩渺江漢日驚湍萬派朝宗意登樓細細看

出山海關二首

大漠孤城海氣生關門漏盡野雞鳴邊鴻欲度低殘月
曉角翻為出塞聲

角山關下角聲殘口外桃林柳色寒客路長城今日盡
平沙萬里更漫漫

出關有懷府寮諸公

春衣灑酒別長安二月貂裘出塞寒青草不生烽戍地
黃沙已漲海雲端鶯花禁苑邊城隔雨雪關山客路殘
殿上羣公應賜食東華歸馬簇金鞍

出關門百里宿沙河站

關南滄海浮天盡漠北連峰拔地青一片山河圍郭塞
幾家烟火接邊庭遼歌調苦風還斷蘆酒愁多夜易醒
卻喜 皇威臨絕域鎮東門戶不須扃

山海關東門曰鎮東

雨宿沙石所

野陰連暮色萬里接邊空古磧黃昏雨沙場慘淡風客
行烟火外春盡道途中茅店雞栖早驅車越大東

寒食日錦州道中

冷節關山外邊沙暗玉鞍海天常欲雨春路自多寒三
月草未綠長安花已殘陰風吹錦水落日正漫漫

次錦州

世祖龍興日旌旗向此行風雲隨尺土旄鉞壯孤城萬
歲還思沛先朝久戩兵山靈盤重鎮應悉使臣情

清明日抵十三山下

五代史胡嶠北行記十三山去幽燕二千里

鴨江春水鴨頭平木葉風高葉未生客路不知行近遠
十三山下過清明

廣寧齋居使院遙望北鎮十二韻

碣石三韓外扶桑萬國東幽營分地險青冀接天崇華
蓋垂垂秀芙蓉片片工六重紛拏抱定位屹當中平冕
疑羣帝桓圭儼上公生成思擘畫巧絕歎鴻濛望秩存
虞典隨刊省禹功晚霞舒疊浪斜照貫晴虹滄海縈禎
帶恒山配闕宮神光終古在嶽祀至今同芝檢傳王
命瑤函啓薄躬齋心塵壙外始儼躡蒼穹

北鎮祭告禮成紀述二首

崔巍坐鎮朔方孤北嶽東來勢欲無禎帶江湘參赤帝
神靈烟雨鎖皇都祠壇有路通天表禪草當年問地
圖親見五雲籠輦道三聲萬歲尚傳呼

法駕東巡海上迴旌旗萬乘拂天來親臨玉趾披階草
詔發金錢作殿材風入沛宮曾起舞雲深砒礪一裴回
小臣奉使名山日擁節還如忝後陪

閭陽驛留別廣寧令張雲麓

更盡陽關酒一杯故人三日共裴回桃花洞口尋春入
木葉山頭並騎來地是先皇湯沐邑君非百里簿書

才邊沙遠使歸心切卻為臨岐首重回

八關見春草

去時春草白來時春草青塞上草生晚客行還未停

覺華急

昔聞滄海東南外今見丹梯咫尺間孤島拍浮萬里水
夕陽縹緲三神山蜃樓雲霧連空幻貝闕蛟龍礙往還
最訝根蟠無厚地忘情不覺在人寰

大陵河夜風雷

陰風何漠漠流水自淒淒近海奔雷壯臨邊苦霧低空
城鬼火出廢壘戍烏啼野店寒更斷無眠聽曙雞

杏山

千里三春使節回遼陽不見一花開杏山小店雙桃樹
細蕊稀枝亂後栽

急水河

急水河深水急流歸人三月滯邊州石尤風解留行客
惆悵車輪與馬頭

歡喜嶺有慢水河

歡喜嶺前慢水流歸人歡喜去人愁歸來也是天涯客
家在千山萬水頭

歸路

秦城唐壘遠經過回首蒼涼祇浩歌塞外連山何處盡
海邊陰雨一春多野無烽燧如烟火邨有蓬蒿似薜蘿

稍喜關門歸路近
穠花深柳未蹉跎

入關

出塞今為入塞行
東來萬里盡長城
平沙古堠孤烟色
落日危樓暮角聲
遠近青山如故國
淺深春草是王程
紅塵荏苒征人老
不見關門紫氣生

關樓

壁壘高樓壯旌旗
古鎮尊塞風春不斷
邊日晝長昏悲
角闕雲動孤城海
氣翻往來憑弔意
辭賦欲銷魂

關門館舍後樓晚登

一片青山勢壓城
晚風樓上海濤聲
滄溟萬里堪乘興
無那鄉心日夜生

渤海樓觀海

雲起碧空盡潮來
紫浪翻有天浮晝
夜無地著乾坤日
月還高下蛟龍自
吐吞乘桴知聖意
浩蕩與誰論

榆關驛見桃花

東行霜草白成堆
柳塞桃林待我來
誰道榆關春色晚
花開時節使車迴

姜女祠

誰築長城萬里長
至今片石對蒼茫
輻輳風起鮑魚亂
得似空祠一瓣香

姜女墳

秦皇抔土今安在
六國君卿劇可憐
何似望夫山上石

不隨海水變桑田

八關雜題二首

今年馬上過春風
關西花柳村村同
柳葉可憐濃淡綠
桃花解愛淺深紅
山遶盧峰水遶城
柳烟漠漠弄春晴
銷魂橋上重回首
短葉長條太有情

夷齊廟

清聖祠堂滄海邊
首陽往事尚依然
崢嶸秦伯興周日
寂寞成湯放桀年
萬世君臣今論定
古來兄弟幾人傳
只將一勺灤江水
擗取山薇薦豆籩

同永平唐太守灤州吳守灤河放舟晚登偏涼汀

二首

灤江極浦移舟遠
黍水交流放櫂寬
隔渚濛濛空翠合
連波淼淼夕陽殘
漁村門巷桃花映
佛寺樓臺石筍攢
晚泊謝公樓
隱處欲携襍被宿
層巒

黃洛城西歷翠微
金泉亭北頰斜暉
落花低檻時霑酒
細雨深林不溼衣
丹頂霞明雛鶴小
銀鱗水長鱖魚肥
也從仙吏銷憂到
歸夢江湖憶釣磯

使還次通州感成

蹤跡飄蓬不可尋
落花芳草暮愁侵
何堪客路來歸日
翻似離亭送別心
官闕長安紅日近
關河親舍白雲深
他時卧隱柴荆裏
記取東游塞上吟

次韻益都相公重陽前一日萬柳堂讌集二首

曉隨丞相鳳池頭晚接花茵想勝游萬里捷書頻送喜
一時佳節倍銷憂松風有夢懷溫樹魚水多情羨野鷗
不盡謝公絲竹興邊機尊俎在前籌

勝蹟王孫萬柳賒相公清興渺雲霞

元廉希憲萬柳堂在京城南趙文敏諸公常讌集其

中今公名其堂曰萬柳以此也

黃塵漠漠雙蓬鬢黯黯淒淒舊菊花見說登

臨猶昨日笑憐歲月屬官家何時蠟屐陪歡讌也此參
軍落帽紗益都一日朝會出此二詩謂故相國徐立齋曰終當讓此公

送曹頌嘉還江陰

峨眉仙子建安流游戲蓬萊殿上頭兩制絲綸新史筆
五湖烟水舊扁舟鱸魚解愛江東美代馬長懸冀北愁
霑灑一杯文字酒離魂去住結綢繆

陳將軍忠愍輓詞

雄眇秦關指蜀江將軍才氣世無雙身經百戰曾輕敵
功蓋諸侯早受降夜雪移營嚴號令天寒伏甲近摩幢
竟須遺恨安危策涇水含悲急隴瀟

白髮

白髮長頭鬢含情今奈何榮枯堪一笑身世付高歌夜
雨雁聲斷秋燈人語多殘花掩深戶吾欲保天和

寫懷

日月速如此歡娛得未曾滑稽吾豈敢禮樂力難勝舊
事青春隔流年白髮增文章聊自戲送老漸無憑

夜出閣門口號

宮樹栖鴉啼滿林晚風人閉閣門深黃昏騎馬秋河上
只有清波映客心

閱武西苑紀事六首

繚牆北面苑門開曾侍先皇羽獵來武帳前頭親校
射當今聖主是雄才

點筆螭頭歲月長玉階龍尾步迴翔新教扈蹕參天老
賜坐從容近御牀

舞劍鳴弓決射侯姓名爭在上三頭重瞳香案親題
與司馬前將御札收

萬方送喜聖躬勞試武連朝備六設不似唐家選文
士狀頭先進鬱輪袍

龍武新軍舊羽林技穿楊葉中飛禽更教射與諸人看
一箭君王用意深

飲馬龍池駐柳營山河萬里接昆明樓船水戰今都罷
已見弓刀定太平

午亭文編卷十一

男壯履恭較

午亭文編卷十二

門人候官林佶輯錄

今體詩

元日直閣中高陽公示和寶坻相公歲除詩次韻

三首

今朝暮景已飛騰拘束翻憐事事能
 短日暄淒紛屢異
 中年哀樂故相仍
 愁傾柏酒看兒女
 獨對枰盤憶友朋
 一昔曉鐘霜鬢滿
 夢迴風雪灑寒燈
 日華側近含元路
 夜半常隨丞相來
 爛熳星辰天闕上
 青熒鐙火閣門開
 山川禹服平成蹟
 雅頌姬公制作才
 卻為念時添諷詠
 流光荏苒竊趨陪
 星霜殘夜入春陰
 節物升平可重尋
 玉几雲霄三殿迴

鑿輿閣道九門深蚤聞伐叛稽天討屢罷朝正厯 帝
心坐聽索鈴歸舍晚一杯歲酒向誰斟

送董蒼水歸華亭兼寄董閩石諸乾一時蒼水將

遊閩粵

九峰問訊近何如數子飄零十載餘萬事黃金輸負販
幾人白首老樵漁君今海上求仙藥我欲山中葺敝廬
何限塞鴻淒斷處江流西上憶雙魚

送綸霞歸省

送歸郎署栖遲日嗟爾承明著作才渺渺秋河霜葉下
蕭蕭寒路朔鴻迴黃塵官解題詩壁衰草城隅置酒臺
遙羨潘輿還御日毛生捧檄喜重來

連赴內直

鈴索聲高漏點長直廬長在殿西廊內中數日多宣召
寤莫槐陰閉玉堂

禁中春雨

西峰殿閣倚嵯峨雨過青山晚翠多不識玉泉流近遠
影娥池水夜增波

懷西山舊遊簡阮亭容齋

磴道盤空山四圍暮投林杪翠霏衣幽禽大壑飛扉晚
踈磬孤峰夕照微杖底登臨秋水落坐中風雨塞鴻稀
夢魂谷口中車路猶記蒼茫倒載歸

題北山給事真

青瑣通丹地朱顏老玉墀畫圖看十載風貌憶當時魚
鳥忘機久山林託興竒獨慙碌碌者顛顛向經帷

送北山還荏平

諫坡郎省幾人存故擢深知國士恩暫別雲霄龍尾道
回看風雨鳳巢痕冰銜三字慚吾友封事連章感至
尊五岳未須誇屐齒恐君逸興太飛翻

次韻葉訥菴見酬拙書春帖子之作

我亦漁樵憶孟諸相隨簪筆玉階除敢云逸少無臣法
祇覺中郎有異書祕殿敷言長獨對御牀承旨更誰如
樹花欲頌慙虛劣諫果封題意未踈時以橄欖奉報

和訥菴憶故山疊前韻見簡

傳相時節見桃諸已老誰能感歲除節物一尊殘夜酒
年華幾卷舊時書心憐去日都無處夢醒浮生可自如
最是鄉園離別意青山遲暮信音踈

元日再疊前韻酬訥菴

欲向東風弔望諸黃金館在玉階除頻年綈几參經席
輪日牙籤侍御書師友半生夫子共文章當代幾人
如春來崇政朝朝會名迹相親應未踈

訥菴立春日再疊前韻次荅

險韻從茲益去諸懸河瀉水想難除偶然節物供題句
終古齋名有讀書訥菴齋紅蓼綠蒿生尚細宮花幡勝剪
能如已過春酒黃柑會與數交游晤合踈

和訥菴立春日口號三長句兼懷阮亭

長鬚更遣致詩頻忘卻新年十日春萬井烟花連閉戶
六街燈火隔流塵稍憐將老親書卷深覺多愁讓酒巡
極目川途滿冰雪苑梅官柳暫留人

相思元夜歡游日劉董汪王興未賒

公賦玉虬苦
文西樵貽上

客舍鐙前

催羯鼓水樓春盡賦楊花存亡幾處無音耗少壯于今
有鬢華却憶馮唐郎署在閒門深閉苦思家

舊好新知日自非一臺二妙詎相違

時論貽上
宜在禁林

寒空鴛鴦

春風並燎火魚龍曉勢飛羽檄刺閨時漸少文章報國
事全稀獵夫漁老吾終去未許君才遂拂衣

上元夜蚤起

顛倒衣裳月迴明遊人一夜蹋歌聲五更玉笛風蕭瑟
曾向關山萬里行

照鏡

方鏡青銅鑄得成朱顏曾照幾回明亞枝花蕊春風裏
點鬢繁霜不世情

逢故人

客中借問是同鄉欲說還鄉已斷腸舊日相隨徒侶盡
無人解道易霓裳

召見懋勤殿應

制有序

戊午正月二十二日 召臣廷敬同戶部郎中臣士正
且 命名各以近詩進見於 懋勤殿 溫語良久至誦

臣 賜石榴子詩風霜歷後含苞實只有丹心老不迷
蒙 恩褒美 命至南書房撤 御膳以賜內侍賚二
題 命賦詩夜漏下乃退

萬卷圖書滿 御前賡歌時聽 玉音宣韶華絳闕連
深殿春色彤闈接禁筵已見文章昭代盛向來雨露禁
林偏吾 君一德同堯舜長媿夔龍際會年

賜膳應 制

久泛流霞是露盤每嘗仙饌勝調蘭鳳池日暖恩波厚
內殿猶分玉箸餐

寄李厚菴學士閩中二首

炎風朔雪盡皇輿孝子忠臣世不如青史數行滇海事
丹心千古蠟丸書每思慷慨堪流涕實有聲華到索居
近直邇英常被問已知吾道未全疎

南粵何人憤請纓樓船幕府羽書驚終憐蕭引空安坐
未許深源有盛名生死臣心惟戮力艱難天意為銷兵
卻悲離亂晨昏事回首當時捧檄情

孝昭皇后梓宮遷厝華城恭賦輓詞二首

五年兩度哭長秋禁掖懷賢慟未休曾見帷車隨鳳翼
忽驚縞素結龍輶梨花寒雨行宮淚樹寢春風野殿愁
舊日 上陵同警蹕慢城蕭瑟翠華留

曾同宵旰徹慈心午夜無勞更脫簪環珮未歸陵路遠
風雲已護繚牆淡闕宮象物春如昨玉殿容衣晚自臨

卷耳葛覃遺蹟在侍臣霑灑一悲吟

鞏華城北十里漢寇子翼唐劉去華故里

野宿寒沙夜火明沉沉擊柝響孤城支離半枕荒雞夢
寐莫千秋萬歲名諫議祠堂邊草沒雍奴北隴朔雲平
漢文分地居庸外遺廟何人問顧成

入直南書房紀事

給札朝朝赴蚤暉玉階花落曉鶯飛也知天上塵凡隔
未信仙官職事稀繚繞文書堆硯墨聯翩詩句滿宮闈
紅牆咫尺人間路魚鑰銅壺下漏歸

賜五臺山新貢天花恭紀

有序

閏三月臣廷敬同翰林院侍讀臣士正直南書房蓋是
時臣謬掌翰林篆前後同內直諸臣率常寓直是日蒙

賜手詔

朕召卿等編緝適五臺山新貢天花鮮馨罕有可稱佳
味特賜卿等使知名山風土也臣恭紀賦詩進呈
珍蔬遠貢自瑤岑翰墨親題賜禁林三殿恩頒天上蚤
九重封送御前深含風玉蒂香仍動映日金莖露未
沉退食和羹添味美鹽梅還欲效餘箴

賜櫻桃

清曉朱櫻進內園每從丹禁飲頻繁雲霞百子池頭色
風露三霄殿上恩
賜觀人參植本應制

三楹玉蕊三珠樹五葉銅池五色雲不是乍從天上見
多應空向世間聞

賜御書恭紀二首 有序

二十八日

賜掌院學士臣廷敬侍讀學士臣方藹侍讀臣士正

御書臣得龍飛鳳舞大字唐人王涯早春宮詞又石刻

清慎勤格物大字二幅

行盡金坡近玉清牙籤綈几影後橫瑤箋露溼宸章

潤寶墨香含御氣清霞起雲蒸同日麗珠聯璧綴自

天成萬幾宵旰逢時暇惟有書奩適聖情

天濛真題龍鳳署玉堂今刻御書碑日星文曜施丹

地雲漢乾光照赤墀親見驪珠初迸落捧來鸞紙正淋

漓流輝館閣傳青簡忝竊儒臣際會奇龍飛鳳舞四字請刻石翰林署中今恭置敬一亭

世祖章皇帝御書正大光明四字

上御製題跋勒石賜觀於內殿進詩一首

曾侍先皇近玉除龍鸞重捧九霄書兩朝寶翰輝

天府奕葉奎文映禁廬典冊星雲光絢爛勛華日月氣

扶輿還思開國規模遠金匱藏編在石渠

恭和

御製喜雨詩

乍拂觚棱滿禁城宮花含色柳烟輕風雲萬象供天濛

雨露三農見聖情

孝昭皇后輓詞四首應制

正位名初定，彌留淚已揮。內朝臨日少，宮仗列來稀。
半載新龍節，三春舊玉衣。淒風掖門道，慘慘動幢旂。
禮自中闈進，恩還禁籞長。鏡奩留偃月，圖史在披香。玉
燕空蕭瑟，金蠶竟渺茫。惟餘憂國念，流慟徧遐方。

問寢重闌日，宮輿早並來。烟花連複道，歲月在蓬
萊。春咽銅龍漏，香銷寶露杯。含情思婦順，灑淚閣門迴。
京室任姜盛，徽音禁苑知。軒星沉彩曜，花月掩容儀。典
冊光千古，哀榮並一時。青編與彤管，紀美在風詩。

上御神武門，召觀西洋進貢獅子。
皇威遠被海西偏，靈產欣觀自九天。王會地圖過禹服，
帝疆方物集堯年。條支入貢龍沙外，烏弋隨朝鳳闕前。
從此上林添獸簿，定知不賞番夫賢。

蚤赴內直同貽上

楊柳紅牆映碧波，月明騎馬共婆娑。不知玉漏添如許，
秋水潺湲一夜多。

八月十八日

上御懋勤殿，召臣廷敬賜之坐，命賦經筵進講詩。
臣倉猝應詔，退而謹錄其句。

頻年橐筆侍延英，御札分題見睿情。白玉螭頭闌
畔立，青花龍尾道邊行。談經荏苒文焉用，論藝逡巡句
未成。又是深恩逢造膝，儒臣何以荅殊榮。

恭和

御製賜輔國將軍俄啓詩 有序

二十一日同侍讀學士臣方藹臣英侍讀臣士正中書

舍人臣士奇奉 旨賦

沛上雲飛起大風射生猿臂挽強弓日邊蚤識龍孫貴

天際新傳 鳳藻雄

九日內直同訥菴敦復澹人近公限登字高字二

首

春直秋來爽氣澄寒花時節伴茵憑曉風閣道傳銀箭

夜色銅扉帶玉繩臨渭新詩工最擅集賢別會 寵難

勝龍沙鳳嶺林還憶閭闔三霄日共登

授簡從游盡譽髦年華荏苒在詞曹九秋最覺清都近

四海無如此地高戎馬禁中思李牧文章輦路羨枚臯

歲時空負 君恩重遮莫黃花笑鬢毛

聞湖南捷音恭和

聖製

鏡吹騰歡幕上來弓懸江月劍花開 天家蚤就麒麟

閣直待將軍汗馬來

賜觀 御製詩 并序

歲戊午秋九月

上奉

太皇太后幸溫泉以時享

太廟還宮行在凡十七日

御製古今詩二十一章十月朔日 召臣廷敬 賜觀

臣職叨簪華學愧面牆久依帷幄之苟親覩文章之盛

瞻雲就日靡罄高深測海闢天徒滋謏陋今讀

聖製彌塵繹思譬諸黃鐘天球自洋洋而竦聽穆乎璿

霄碧漢仍蕩蕩而難名昔聞劉勰云睿哲之心懸於日

月益信揚雄謂聖人之言炳於丹青况逢 盛世賡歌

非若唐宗之試宮體自顧庸姿率率惟慕永叔之記賜

書蓋以 聖哲之君其臣莫及遂令制作之善振古為

昭謹拜手而颺言爰齋心而獻頌恭賦五言二十四韻

進呈 睿覽不勝欣惕交并之至

聖母歡清暇 天王奉豫遊龍光扶翠輦 鳳藻履皇

州巡省經過慶篇章次第留霜鐘深殿曉丹葉禁門秋

繡轂環千騎金鞍從列侯山川為別苑笳鼓在行騶九

塞連軍戍三河抱縣樓惟宮朝警蹕星漏夜移籌縹緲

中盤寺登臨最上頭古臺傳舞劍重嶺應鳴蚪碣石邊

雲合盧龍海氣浮望 陵松柏遠薦寢鼎湖幽風雨開

旄鉞乾坤正冕旒羽林嚴伏謁仙仗迴含愁寒路迴芝

蓋温湯駐采旂陽和長不減功化邈難儔紅檻艷鮪帳

黃簾玳瑁鈎溼花漂砌近香草映波流玉甃連阿閣瑤

池到十洲 起居陪大駕符瑞出靈湫 萬壽慈寧膳

清躬饗廟羞往來見誠孝製述必殊尤毫翰乾文煥詩

思溟渤搜虛懷蒙寵問忭舞荅鴻庥

賜文雉於 內直紀述四首

旌門尾扇羽林兵竟為斟羹校獵行回輦九天先奏進

親調玉膳慰 慈情

射聲一矢疊霜空萬歲齊呼羽仗中陳寶祠前休帳望

官家已並得雌雄

三面親驅祝網歸錦禽宣賜有光輝養人未擬鸞刀割

曾近 君王玉轡飛

尚方筆札大官餐珍賜時頒出上闌繡臆花鋪金絡馬

分明詩向路人看

鞏華城行殿陪祀

孝昭皇后梓宮即事恭紀二十四韻

宿雨郊原外雞鳴夜渺漫蚤行今夢短往路入吟寬肅

肅白楊晚依依青柳殘微雲舒綺縠晨漢沒波湍禾黍

西風落茅茨曉露溥野花激翠憶蔓草簇銀鞍徑闢蒼

烟斷窓虛綠樹攢旌旗思警蹕軒砌想鳴鑾 萬乘經

過地茲遊爛熳看入門詢 滌翰再拜肅衣冠日月乾

光曜蛟螭 御氣蟠彩毫題別墅金陶賜臺官灌莽天

香接瓊瑤寶篆刊未來真繾綣欲去尚盤桓

落日山逾靜清流自寒飛梁疏瀕洞復嶂疊嶺屹行

殿何蕭瑟孤城此鬱盤神光杳杳環珮暮珊珊鳳翼

榭風隔龍樓桂月團內人思未已陞楯淚交彈砧杵淒

宮掖梧桐黯并幹歲時臨幄次燈火駐河干回首芳華
歇仙遊節序闌鷓鴣續來往歸馬獨蹒跚

陟岵樓詩二十首并序

陟岵樓在百鶴阡西余居樓中踰再暮矣乃始為詩凡
詩之作為吾母也因以陟岵名篇

冢樹蕭晨響正悲祥琴欲奏已淒其白沙霜凍露衣蚤
黃葉風翻度隴遲臨老泉臺多骨肉十年存歿自分離
幾回夢見容顏在猶是舊堂遠別時

兩年丙舍此淒遲弔影七山夕照時野草春添新復土
隧松涕損舊露枝折殘三齒悲毛義隱去縣封愧介推
悔向風塵耽祿仕苦身致力鬢成絲

四尺新封馬鬣低重山沈痛香含悽香燈蚤上陰風起
烟火全稀苦霧迷大野蒼涼人獨往亂山昏黑虎時啼
墓田方畝春泥外老學躬耕自把犁

白日荒荒冷舊扉高原立輓露何啼人無周勃吹簫送
客有陶家化鶴飛百鶴集家上歲月再暮真過隙笙歌十日
盡霑衣泉門自掩千重恨雲散空堂黯不歸

關塞飄搖起戰塵倚閭長累事酸辛還憐槁項憂時日
已誤青袍奉母人杖節更誰能報主絕裾空自忍辭
親棧雲隴月愁如許嗚咽寒宵一愴神

敢道肩輿上殿行軟紅塵土最傷情十年趨走春前恨
兩字音書望裏驚長樂鼓鐘疑夢寐直廬燈火憶平生

小人有母今安在曾遺 君王舊賜羹

祕殿深嚴晝漏閒 御書房在碧虛間遙思 中禁從

容地別有東頭供奉班風雨三春辭鳳侶雲霄萬里夢

龍顏只今月落烏啼夜羞點蛾眉兩鬢斑紀內直也

告謁空懷未上書較殘朱墨玉編餘時預修太宗文皇帝實錄 聖朝

孝治恩元重臣子私情願已疎烏鳥舊棲宮樹晚鸞鸞

長別禁林虛衣冠原廟勤時享法從曾陪濫石渠

罷直 乾清刻漏傳詞臣奏事閣門前幾回中使蒙宣

問曾道 天顏賜閱憐紀葉學士方為張庶子英奏臣原事 講席乍溫違玉几

書籤初冷輟瑤編夢魂兩載趨丹地白首青燈一惘然

當年文獻僅猶存特為儒臣命討論慰問 本朝無故

事便蕃千載自新恩賜茶雪乳分供御漬酒金漿出上

尊天使一時增感動傳宣 帝語是春溫詔閣臣察前明實錄慰問例具聞遣

內閣學士也泰翰林掌院事學士喇沙里賈賜乳茶桐酒四器蓋慰問之典實始於臣云

隨例榮光亦 至恩絲綸 特旨出臨軒微勞似髮叨

三錫 厚澤如天到九原部議以臣母用詹事封例無郵典上閣臣侍從微勞用學士品級賜卹 石闕

龍鸞迴藻翰冢碑星斗爛荒垣卻思灑淚春明路回首

孤臣已斷魂

麻衣扶杖薊城西痛哭荒郊落日低野宿寒沙惟過雁

蚤行茅店不聞雞朋簪有夢知離散鄰杵無聲助慘悽

相別銷魂橋上柳夜烏猶為昔時啼

西園東閣想儀型聖室霜天望壁星紗幔秋殘悲舊業

機絲夜冷泣遺經綸扉大手摩霄赤藜火新編照汗青
師友謬恩霑不細蓼莪廢罷淚還零高陽館師表先泚人墓
葉訶菴學士為立傳

一別相思在禁林光華碑版未銷沉臨文已踐升堂約

蓋石空憐負土心三歎似因聞寶瑟長悲真欲廢祥琴

茗文嘗辨詳
琴為非禮吞聲憶取燈窗語獨向殘經細討尋汪茗文編修
為先泚人銘

舊遊名德是人師相我號天伏地時萬事臨危千古恨

此生難報寸心知中朝司馬應安好湖海元龍久退衰

自守殘書甘薄澹他年無愧故山期指魏環溪先生

殘臘東風斗柄移灞橋三度柳條垂生芻致遠思徐穉

截髮留賓有范逵遊子頻年諳物態孤踪四海問心知

天涯門外多春草長守田廬記歲時

村鐙宰木影縱橫獨宿高原萬感生碧嶂夜猿啼有怨

黃沙石虎卧無情春歸老屋家如寄月墮荒山路不明

屈指禪除將欲近纔思去住淚交傾

急雨淒風意若何天寒歲晚在山阿人生兄弟真難再

我老妻孥苦患多徃事庭闈誰訴語向來身世足悲歌

那堪抔土荒涼處躡磴攀林祇自過

萬壑青山一病身霜風搖落自傷神嶺鐘夜度不知處

壠月秋來故照人詩卷市朝堪斷續音書京雒付沈淪

只應料理餘生事體受歸全是報親

黃卷中閨映白頭班家益母並朋儔珮環東觀藏書閣

纓履西原陟此樓縹緲雲山千疊恨迷離草土百年愁

吟成露灑梅花候苦憶天香學冥搜

子九歲作牡丹詩母見而異之

百鶴新阡十景詩

并序

洞陽旋馬

洞陽洞天踞勢北維昂首而東天馬行空跨騰欲下接
嶺連峰逶迤入障志稱岳神山者蓋嘗標靈著異云
天馬騰驤東欲來洞陽弭節尚裴回二條氣色排空至
萬里風雷掣雷開瑤圃回看平似掌黃河立飲小如杯
銅鬢玉鬣青霄外長伴麒麟卧石苔

卧笏回龍

岳神之南開屏列障儼若拱向稍西則山巒橫出形肖
卧笏阡竇落脉還顧洞陽雲垂烟接山巾谿環故曰回
龍也

曾聞萬笏朝天轟今見神龍踞地長已挾風霆身變化
故驚鱗爪勢回翔從雲漠漠噓重壤行雨濛濛潤八荒
蚤握驪珠堪照耀斗間五色映琳琅

品字珠屏

阡後三山形立如品字中之一峰昇眺遐濶勢盡千里
而北望洞陽測以圭景不失杪忽正阡之主山也
台星入座夜珠明品字屏風類削成似擁鶴鸞朝帝去
卻排閭闔侍天行芙蓉九蕊雲中色環珮三階月下聲
爭道神工開闢巧羣峰羅列抱層城

書臺繡几

所之前曰書臺山層岡秀出中曲兩垂如月偃弓眠其上則奇松異花被於崖谷丹碧綺錯如畫宛若繡几也丹地深嚴歲屢移天寒月落影蟻池雲霄經席承恩日霜露書臺憶母時銅尺牙籤新玉案青燈黃卷舊機絲白頭羸得如綸寵若斧封成萬古悲

楹山疊翠

楹山在洞陽山之右新阡之左秀障干霄壁峙霞舉離立天外如拱如揖老松古柏飾巖蔽壑實巨觀也

蒼松中倚玉闌干天外樓高翠欲圍地界河山為左輔峰迴屏障自千盤扶桑弄影青空濶太華連雲碧落寬似有綵虹平接席旌幢前導後乘鸞

沁水環流

山海經云謁戾之山沁水出焉茲入乾歷兌抱阡左沙繞幢東出繚如縈帶翼岬夾山如為新阡特設也繚河縈帶鎖遙峰雲起霞明色正濃九曲分流還抱嶂百川終古自朝宗波濤日月虞淵壯風雨蛟龍貝闕重欲攬鳳皇池上水丹霄長映紫泥封

萬松聳峙

阡之地統名樊山尊嚴秀拔衆山之長蒼松萬數蔭峰隱谷相傳神人所種植其大者以圍計之數十也四圍峰色故依然萬壑松濤勢接連天巧不煩神禹跡仙人似種漢皇年枝盤蒼昊青鸞度蓋倚丹霞彩鳳騫

為謝山靈留勝蹟只應此處問牛眠

百鶴來翔

封山之日白鶴百餘自西徂東至阡之中翱翔欲下久之乃去開墻之日鶴又復來阡之名由此稱焉
臨水登山秋氣清仙禽遙集若為情青田養就雲初白
華表來時月正明北戒關河行處遠南條烟水接天平
摩崖駐嶺回翔地百鶴新阡送美名

慈泉乳水

山巔去地千仞岩岩孤上其陽有泉其巨若輪其深盈尺甘泉溫冽居人賴之以給晨昏揭其名曰慈泉志母恩也

神泉乳水接崐崙天與慈泉見母恩丙舍桑麻深雨露
山家飲啄長兒孫銀河倒影流霞動玉甌含暉浴日溫
最訝興雲蒸霧力長將時雨徧郊原

神樹天香

阡之西古東嶽廟廟兩階各牡丹一本黃蛇守其下人
莫敢攀折枝榦輪囷四蔭廟中花開輒數千頭也
古廟空山占物華石闌雙本牡丹花染香面面臨芳樹
堆錦枝枝貫月槎寶艷雲霞舒日景神靈烟雨護天葩
玉房金蕊紛如此瑤草仙源路未賒

山行二首

旅館寒燈信宿眠客心去住杳如年夢回春月春花夜

依舊啼鳥泣墓田
客路栖栖老更驚
山人只作看山行
冶桃狂柳紛無賴
白髮春風也自生

陟此樓別詩二首

松際昏鐘出翠微
淹留山鳥莫催歸
西樓明月關河路
春雁南來又北飛
攏上東風春草青
春明感舊惜飄零
縣橋官柳銷魂處
愁見長條拂短亭

別守家人

萬樹青松萬簇花
居人惟有兩三家
因君更灑思親淚
泣向寒雲隴日斜

次韻補和李容齋少司農送別二首

回首流年逐景光
白雲慘澹日昏黃
驟辭蓬閣如前世
重渡桑乾是故鄉
草澤夢魂稀語笑
雲霄契濶在班行
傷心趨走查明路
春月三回直北望

瓊瑤開篋客心驚
團扇三年故舊情
草色含悲連大野
柳條惜別向春明
朝廷開濟須公等
閭左耕徭託此生
為報石壕邨吏少
司農憂國早知名

得茗文請急還長洲書卻寄六首

頭白何時見汗青
禁門深籍鎖寒廳
應知別筭多歲葉
歸向名山作一經

桐酒團茶自上方
御錢餅餌賜新嘗
江東大有思歸

客千里尊羹味許長

白首何緣問故新
驪駒聲斷埃傷塵
青門楊柳春如舊
相送城門更幾人

萬壑千巖老一村
太行枝隴敢言尊
吳山楚水堪乘興
更向堯峰與細論

乞守何曾得越州
還鄉終賜曲湖遊
洞庭雲樹三江水
一棹歸來合得休

出處年來肯異君
西窗苦語記離分
已違白首江湖約
留取青山日暮雲

畫卧百鶴阡古廟中
夢愚山茗文

聞道長洲請急回
宛陵侍帝在蓬萊
江湖關塞三千里
何得聯翩入夢來

邨舍贈別焦僉事

禁門清漏徃時同
一宿孤村邂逅中
雙隻埃邊芳草暗
短長亭畔夕陽紅
軒車已浹崇朝雨
繡斧行開萬里風
幕府如今並才俊
柴扉安隱藉羣公

星軺驛送人之官中州

留客雞鳴夜色悽
使君匹馬萬峰西
太行枝隴浮空盡
砥柱烟巒接近低
別路雲山勞悵望
對牀風雨惜分攜
河淇亦有萊公竹
相映潘生花滿谿

樊川雜詩三首

山翠微茫積翠分
野花細草入斜曛
獨行惆悵緣何事

目斷南谿日暮雲

欲別樊川欲斷魂輕雲細雨溼苔痕最憐綠樹通幽幌

月送花陰不閉門

細蕊孤花太有情春風作意送人行誰言南浦傷心地
草色年年不更生

與豫朋往石閭

白石清沙古澗深川長秋氣遠相侵往來踪跡看流水
去住羈栖羨野禽伴老癡兒諳旅宿懶行疲馬戀谿陰
三年斷續殘詩卷新句含悲自一吟

午睡醒得茗文書

清風一枕北窓眠門外音書剝啄傳欲覺軟紅塵夢斷
夕陽千里草連天

聞砧二首

蹉跎春晚向秋清為別南谿緩北行欲理征衣無意緒
忽聽砧杵動離聲

野館清砧不可聞更堪獨立近斜曛何人解識徘徊意
惟有松間石上雲

石閭道院二首

空山小住又經旬草屋孤村無四鄰咫尺夕陽連暮雨
三叉古路少行人牛闌嶺上收常蚤虎跡泥中見又新
寂莫不嫌樵牧者來時一別一傷神

急雨清宵古廟中長松小院下秋風時疑石澗翻驚瀑

頓覺巖泉接灌筒
遠夢關山雙鬢白
鄰雞籬落一燈紅
到家却作無家客
襪被衝泥類轉蓬

與石閭禪人二首

曾題舊句已朦朧
古壁蝸涎伴網蟲
此處無人解文字
不須重著碧紗籠

雨笠烟蓑風露餐
獵師仙客久盤桓
夜窗芋熟松明火
出處無心問懶殘

午亭文編卷十二

男壯履恭較

午亭文編卷十三

門人候官林信輯錄

今體詩

南谿贈別

南谿卜築快幽深
况有樓居俯茂林
老至圖書從散亂
春歸魚鳥任浮沉
山畦花藥波紅雨
軒砌藤蘿暈綠陰
欲別夜闌勤秉燭
祇應明月照分襟

次韻張子礎副憲兼懷寶在茲秀才

前後清班忝竊同
白頭相見意何窮
春來御水還新綠
別後東華自輭紅
已共侯生溫釣石
蚤輸弘景卧松風
未應回首蓬山路
林壑鶯花竟付公

辛酉八月北上道中寄里中游好四首

空山獨往已三年近日羣游亦可憐
風雨斷魂迷隴上
關河雙淚落燈前
離觴幾處還
三宿野館今宵是
別筵
一夜西樓纔小寐
馬嘶人語聽淒然

玉鵲菴西山寺東黃鶯送客訴春風
花殘簾閣閒門閉
柳老河梁別席空
鄉樹斜陽迷故壘
郵亭夕露溼寒叢
栖栖夜火投人處
宿鳥深枝笑轉蓬

二十年前鐙火地
暫來重別易沾裳
已無揚子一廬老
空有陶家三徑荒
河漢影斜明月在
館池人散朔風涼
牀頭驛道車輪過
半枕關山夢許長

望遠修門再往來
秋霖秋日此裴回
身隨旅雁辭家去
心逐居人送我回
落水天風催遠別
寒花客路為誰開
山川到處傷離別
數日旗亭酒數杯

小山

城西前日吾來處
野徑清流竹樹斜
日暮出城拚一過
不因水石為思家

三家店温生具食

出門已昏黑煙火隔城闌
纔宿三家店便為千里人
豆羹肥勝肉柿酒白如銀
邂逅臨岐路情同故舊親

過高平弔畢亮四方伯二首

重過躬耕地秋原木葉稀
一衰銜別路雙淚落行衣
書札臨危在文章託付非
淒涼荒宅里清德耿餘暉

先生以遺藁屬余訂定

寒露淒淒重悲雲漠漠清松楸憐昔恨絮酒慟餘生暮
景衰容慘西風老淚傾那堪車馬色霜灑向長征余居隴
側先生數以書存問

野店曉發

三日山程十日行郵亭漏鼓夜分明寒雞已報清霜曉
夢後家園別後情

潞安城南柳林二首

一路黃沙白日寒柳林秋色送征鞍更堪昨夜西風落
霜葉烟條太已殘
野路籬花放葢新古墩殘柳閱黃塵葉稀風起蓬搖落
猶挽長條贈遠人

渡河歌

白雲渡河河水陰朔風卷雲飛遠岑渡頭舟子青山曲
賈客相看淚滿襟

屯留道中二首

留滯鄉關路淒迷小縣城野禽呼有字邨店問無名秋
樹變黃綠漳流兼濁清山川與時物不減別離情
鄉縣烟林外停車記昔曾此行秋色晚再別意難勝苦
憶黃花放生憐白鬢增荒城時一憇未敢夢觚棱

九日屯留客舍

九日孤城對夕陽空階人靜館垣荒寒花寂寂開闌成
落木蕭蕭下濁漳只有雁鴻聞潦慄即無風雨意蒼茫

未須更約登高處客路何時不望鄉

沁州道中

山館郵籤數去程短長亭堠送人行悲風落葉銅鞮道
細雨寒蕪石勒城漸遠關河秋色盡欲投烟火暮雲平
荒郊郊店淒其夜白髮黃塵莽自驚

發沁州懷銅川

赤嶂黃沙草樹荒銅鞮山色頗蒼蒼離心隻堠兼雙堠
客淚清漳並濁漳野宿征夫連曉語南飛旅雁背人翔
雞鳴往路空回首惆悵衣篝五夜霜

漳水源

水石漳源鎮清漳自此流金風吹素瀨王鏡寫靈湫科
斗收形小蛟龍託勢幽土人思德澤鼓笛賽春秋

緜山

晉侯旌善地夫子渺難攀野草環封界秋風絲上山蛇
龍今寂莫水石日潺湲有母能偕隱蒼茫掩涕還

龍洲驛雪懷南溪

九月并州道飄飄蚤雪飛風兼木葉下寒映麥苗稀郵
驛人踪疊雲山鳥路微南溪此時節籬菊正依依

太原城南二首

車馬斜暉不入城野亭北望路分明翻愁噉噉南鴻去
却作天涯送客聲

秋草寒雲壠麥遲嘉禾難見穎同時夜聞蟋蟀還多感

牛進文續卷十三
四
惆悵唐風歲暮時

太原客夜

霜橫月落曙燈親
一夜邊城刻漏頻
二十五聲秋點盡
直教點點到愁人

客舍遇張子美

蕭瑟霜風日夜吹
棲遲客舍晚支離
耽書似蠹空鑽紙
兀坐如蠶自裹絲
為別鄉山行漸緩
偶逢舊故語移時
還思接屋連牆日
相對天涯是路歧

土橋柳

柳未全凋葉半新
土橋風暖拂行塵
邊關景物今如此
回首家園十月春

晤劉訓夫提學旋別

冰雪風裁水鑿方
三年交敬寸心長
相逢前路無知己
未出并州是故鄉
桑落酒清離恨重
柳條風緊客情傷
絳紗欲徹歸朝近
應許追陪鴛鴦行

鳴謙驛留別訓夫疊前韻

驪駒欲駕隻輪方
相送躊躇別語長
去遠心翻隨去雁
還朝情未似還鄉
經橫馬帳人初過
客退龍門意轉傷
鎖院弟兄京雒舊
十年衰颯愧班行

宿壽陽用韓公夕次壽陽驛題吳郎中詩韻寄弟

素心里中與可京師

如今薊北是長安
纔過并州客路寒
憶別汝時花共柳

今宵三處月團圓

未至井陘口七里槐林鎮宿

翠蛟潭自險青玉峽空名土屋懸崖置沙田帶石耕晚
風山鬼歎夜月野雞鳴浩蕩關門近悠悠行旅情

過井陘口暮投縣索逆旅主人不得行三十里宿

微水舖

朝從井陘過暮向井陘投明月關門閉西風塞水流青
山連粉堞黃葉隱朱樓行路誰相識棲棲夜未休

先夫人服除抵京詣宮門候安蒙遣臣英臣

士奇慰問恭紀

東華塵土帶征鞍三載重來鬢髮斑通謁竟由中貴使
問安許點閣門班傳宣去久勞垂憶別奏歸朝損舊
顏天語一時紛感激不禁清淚落潺湲

滇南大捷詩十首

夜半傳呼萬歲聲邊書送喜拔圍城霜天破賊烟塵靜
不待新年賀太平

羽騎星流掣電飛宮門霜月照行衣金鉦夜警投籤夢
知是征南奏捷歸

玉座紗燈奏草開捷音傳送滿宮來天雞未動銅龍闕
親報慈寧萬喜回

玉斧金戈寢殿開嘶風石馬殷奔雷翠華正值朝陵日
輦上連章露布來

烽火雙懸大將旗孤城三道集 王師遙知銅柱銷兵
地別號昆明洗甲池

碧雞騰距古梁州飲馬瀾滄水不流 廟略有征無戰
鬪手提滇海付金甌

一舉樓船定海隅雕題卉服效前驅三軍所過都無恙
况復頻年 詔賜租

萬年曆數尊王會一統山河黜霸圖文德武功相並美
應教大政紀平吳

邊機兵畫在 深宮伐叛謀成 睿想中上將指麾皆
廟算 皇輿恢拓是 神功

索鈴神撼檄書成幾載憂勤識 聖情別奏凱歌天一
笑先教傳唱羽林兵

送張敦復學士還桐城二首

詔恩相見慰浮沉往事分明思不禁朝退常陪經席蚤
內中初設直廬深蓬山地近天人別温樹春歸歲月侵

我去三年君宛在重來還對欲分衿 辛酉還闕 命學士慰問
於宮門 門外桐波水驛通櫻桃初熟落帆風別來客鬢愁先白

到日江亭問也 紅也紅敦復亭
予為作記 借隱已悲絲嶺上耦耕終
約五湖東我來君去如相避解道人生是轉蓬

送汪舟次檢討使流求二首

萬里滄波使 三宮法從班吾曾泛積水別久問神山
天遠客星見孤帆秋汐還丈夫事異域那肯老離顏

彭湖接烟火軍鼓亦聞聞絕島真無地中原只有天節旄來殿闕戈甲在樓船借問隆慮平聲將何如陸賈賢

禮闈校士得十四韻

數到掄才地承恩自禁林纔移經席仗猶殷屬車音
白首冰銜晚青春鎖院深昔遊思短褐榮路愧華簪銀
燭三條盡銅壺午夜侵苑花應冉冉闈棘自森森簾下
經過斷風前語笑沉樓明金牕月臺轉玉衡參地鄰觀象臺屢
輟中宵夢回憐瀑直心香凝新繡網寒戀舊綾衾忝竊
籀文字蹉跎細討尋池邊躡豈鳳書裏穴成蟬典職堪
遲暮登賢鬱滯淫不辭鈎校切有暇得微吟

闈夜夢母

一夜春寒憶故山五更雙淚落潺湲重簾不鎖還鄉夢
攏樹花時見母顏

瑣闈將出呈諸公

忝接公卿席簪裾此地逢到來堦草長相憶野花濃窗
暗鳴禽曙簾深報鼓重對牀燈火夕回首是離悰

簡翊聖年八十別而再會於京師尚健無恙喜而

有贈

物候青春晚交情白首長三年為客在八十別來彊難
老逢人少無憂羨汝狂平生瀟灑意相見不能忘

春夜憶舊遊示豫朋

獨宿寒齋夜悄然關山北隴鬱高阡還如三載棲遲意

未了平生癖莫緣漏轉微鐘時憶舊夢回殘月不成眠
分明陟此樓中事未齒相從最汝憐

小屋

小屋幽居稱蓬茅作意低窗開如釣舫籬插似村溪絮
柳紫簾近錢荷貼水齊景光還自愛未覺是羈栖

登樓寄遠

戶牖長岑寂殘書且罷休落花時倚檻斜日一登樓白
髮堪多病青春抵暮愁飛雲如有意冉冉下南州

西樓懷潛菴時為先生較勘文集

多病兼愁思登臨每獨來孤雲一飄渺萬里共裴回文
字堪心得風塵暫眼開頓忘形氣小空濶坐悠哉

上手勅念諸臣勞命公暇遊賞苑中網魚携歸恭述

渺渺蓬池接露臺銀河一道象昭回金華不輟宵衣直
玉几還隨講席來記憶從官三伏近傳宣 御札十行

開侍臣空自慚歸遺曼倩當時未易才

直講口號

早息流影照青規黃卷丹霄幾鬢絲簾外卻看閒抵戲
羨他無事羽林兒

恭和

御製送杜相國致政歸寶坻

十年深密地親見翊承平龍尾隨天路螭頭直殿楹歸
田三疏意祖帳百僚情賡和懷賢什雲章麗太清

恭和

御製送馮相國致政歸益都

河山還禹蹟帶礪得堯年嶽攬岱宗石海歸星宿泉身
名多上相出處在高賢日觀登臨數長懷直北天

八月八日

賜觀 御府藏畫於 內殿進詩二首

輕綃潑墨憶從容祕殿收來 御印封掩映液池秋水
色依稀仙仗翠微峰金函鎖處銜蹲鳳玉軸開時躍燭
龍自是山川羅萬國畫圖江海見朝宗

丹青龍蹴海三山銅鳥香開玉座間枝繞萬年花爛熳
池添百子水潺湲紅羅夜閣胭脂溼碧鏡春亭翡翠還
暇日每蒙 天一笑畫中金粉解承顏

十二日蒙 召至瀛臺 賜食已復 賜魚大小

四十恭紀

畫樂文窗 御舫開五龍雲水接南臺纔分玉箸蓬池
膾親網金鱗又賜來

中秋西樓讌集

久別東巖月還為北塞游關山頻對酒風雨一登樓坐
減青山興歌添白髮愁兩年長肺病顛顛况今秋

瓦頭春酒昔得之林中丞家近日孫生頴力能釀
此酒歲暮獨酌為作二首

風霜還飽舊時身相勸愁多酒入唇閉戶不邀杯底月

隔年先探瓮頭春陰陽清濁元同器黍麥低昂亦有神
一笑朱顏今宛在黃公壚畔見何人

收拾樽前見在身且教香味入吾唇飄飄北雪初霑地
汎溢東風欲作春罷遣桃符驅歲鬼休催羯鼓惱花神
天寒日晚霜威重一醜陽和已趁人

懷陟岵樓

回首關河草木黃浮雲西去野茫茫松楸未長霜先落
陟岵樓空挂夕陽

城南水榭懷施愚山

漢陂連紫閣鳥影度秋屏遠望知巖壑高居接滄冥湖
光秀裂帛山色擁來青花落題名處相思在敬亭

歲暮和子瞻與子由侍立邇英次韻絕句簡曹娥

嶠編修四首

淒淒梅萼艷猶清寂寂年華暗欲零一卷牙籤雙白鬢
不應黃色上天庭

侵曉衰顏鏡裏寒蕭蕭華髮鬢絲乾緇塵休點清霜色
自愛新彈沐後冠

誰解先生謔浪言推頽病鶴亦乘軒如今恐被林鴉笑
夜宿朝飛為啄吞

東坡居士香山老出處差同晚節心不信千秋身寂莫
名根終比道根深

次韻彭叢門編修

軟紅塵土又年餘久廢詩篇歎索居離別日多相憶老
交游歲晚幾人疎聞門剝啄風微後好句摩挲月上初
自點寒燈三過讀因君吟興未全除

鼻不知臭此瞻學士頗用朝譔戲簡

肺病經寒斗更加霜風如簇著含沙此身可入鮑魚肆
有鼻誰聞蒼荀花未信運斤逢郢斲猶知舉扇向塵遮
曉來頻嚏因君甚相憶連朝盡歲華

歲除有感簡此瞻

華髮黃塵爆火前桃符土梗與周旋笑看敝帚千金貴
懶點蛾眉半額妍空憶悲歡追昔夢且尋詩酒樂新年
文書堆几風窗冷短檠頻移博醉眠

正月十日睡醒示豫朋往年嘗以是時宿新阡丙

舍

夢回窓外午雞聲睡足春陽潑眼明正似石閭携汝宿
新年田舍老農情

蚤行憶石閭

夢迴鐘漏客心闌馬首驚沙撲面寒只似石閭風雪路
不知春曉在長安

午睡夢朱檢討錫鬯覺而讀其集

荒荒欲落幽窗日策策時驚曲徑風一卷竹垞書在枕
離心繚繞夢魂中

二月二十六日同樊酉一飲酒城南古臺上

野廟無人春鳥鳴古臺高樹遠含情不因社日尋芳去
懶作城南半日行

堤柳

堤柳青如此山花紅奈何林鶯三月少塞雁一春多歷
落愁心在羈遲旅鬢過吟詩聊自慰不覺是悲歌

社日黑窰殿同焚酒一

社日迴愁人高臺絕四鄰陰晴分遠樹烟雨接殘春地
僻逢花少川長對酒頻柳陰澹斜照沙際一垂綸

送杜讓水令廣昌二十四韻

一線飛狐道雙鳧下帝鄉地懸京邑險山接塞垣長
留滯今為吏分歧忽異方野花開正落風雁過無行亭
堠紛相接關雲鬱在望昔遊同寐莫往事默悽傷乍散
圖書地虛隨翰墨場身名供刻畫文采益淒涼煩促賓
朋絕凌兢笑語妨多才勤贈處雅志必周詳詩與名家
稱書兼姓字香拜官非卜式歎老是馮唐曾奏重瞳
聽還邀一命光孤城青塚月大漠黑河霜別意嗟飛動
含情助激昂雄風生劒匣朔色映錐囊跡已輸屠釣謀
仍耻稻粱故僚多背面薄官易霑裳交道悲公叔心期
感仲翔逢人難偃仰入世勿佯狂尚有遺簪戀聊為束
帶忙青山對垂綬官舍解行裘荒外皆侯服邊沙盡我
疆此邦有民社為爾決行藏

立齋都憲惠酒且盡戲簡二首

風雨城南一番新提壺相勸獨遊頻只今酒盡添愁坐
花落花開不當春

已遣沉冥入醉鄉懶從燕市酒人狂故山亦有慈泉水
乞取江南釀秫方

樓上獨酌二首

秋城如烟海看雲抵看山樓上一杯酒心與孤鴻間
孤鴻日夜飛悲鳴為曹偶道人學忘機離心亦何有

吳耕方侍讀急裝出廣寧門一夕卒於逆旅負不
能斂行道傷歎追悼寄其孤

多病交因密常貧世與踈旅亭一宿客昨日數行書道
術終何得饑寒屢晏如文章曹志在流勸想充閭

荅李子靜少司農兼索其書法二首

千古風流讓蜀人西當太白望峨岷眼高四海名無敵
狂客誰為賀季真

春蚓秋蛇老未休戲鴻墨法晚相求即無金玉裝奩軸
肯設桓家寒具油

將卜居而灘泉酒垂盡簡郭快圃翰讀二首

山泉美酒色香清故遣瓶罍細細傾自入青春嘗獨醉
已多白髮未須驚賞心四事違朋好對影三人共月明

今日一尊還寂寂憑誰相慰此時情

鴻飛蹋雪去西東浮蟻堂中憶雪鴻

雪鴻郭堂名

樹下何人知

有道醉鄉我亦愛無功六分春色三杯酒半世生涯一

畝宮那有詩書堪乘載瓦盆傾倒向春風

檐鵲寄公幹

鵲蹋寒檐日影來飛鳴遶樹卻飛迴忽聞小弟傳書札
報道山花取次開

移居簡李鄴園大司馬

門徑黃塵迴未侵青春染戟晝沉沉避喧每覺無幽處
卜築翻因有素心新草臨窓生意淺落花欹枕夢魂深
卻憐燕雀依檐棟敢道鴛鴦共一林

樓上聞笛

惆悵高樓月迴明關山無限曲中情薊城楊柳多春色
解聽風前玉笛聲

史事偶閒戲題長句為醫者孫生

圖書跌宕謝公卿貧病交游尚有情藥裏年華逢薊子
枕中仕宦笑盧生幾人青史題無愧自古黃金鑄可成
留取一篇方伎傳塵埃擾擾勝浮名

新居春夜

白首孤吟迫青春永歎深幽懷耿斜月清夢覺寒衾小
巷更籌密高樓雁語沉頻年羈客意飄泊又從今

送王仲昭還武林二首

太白飄然仙者流凌風挂席下滄洲眼中一勺西湖水
橫海難為跋浪遊

鐵笛遺聲寄竹枝扁舟應過水仙祠閒堂賜墅笙歌地

惟有湖山似舊時

對鏡

昏黑柴門稚子迎鄰雞催曉報人行試看青鏡如絲髮
一日還禁白幾莖

閒門

小院斜陽盡閒門過客無晚花開欲笑歸鳥自相呼淨
業觀前念浮生問坦途後生都莫較看取白鬚鬚

磨勘宿省中呈容齋兼懷黃縻給諫

殿廊槐棘晚森森斜日清烟紫禁深把卷幾回同笑語
憐才終是共沉吟露寒桂子三秋色風落梧桐一夜陰
舊日鎖廳人好在白頭蕭颯映華簪

送魏環溪先生致政歸蔚州二首

君恩三疏得抽簪綠野新開古塞陰出處蚤關天下計
清忠不盡老臣心兩朝國是青編在一代身名白髮
深金甲已銷耕鑿穩朔雲邊月快登臨

地近翻驚數仞牆龍門賓客鄭公鄉蚤瞻舊省尚書履
晚拂清塵御史牀心事傳經留奏草功名報國在文章
非才欲達重瞳聽乞取青山傍講堂

以黃柑羅酒博快圃灘泉之餉

灘泉味美罷村沽折券殘年謝酒壚獨酌已多還寐莫
細斟欲盡失歡娛黃柑春色分三寸白墮霜醅換百壺
洗醖風軒聊一笑開嘗容對馬軍無

歲晚與繆虞良

斜陽古巷歲空闌
寥落寒廬亦故園
梅際冷枝橫凍現
雀邊疎影帶閒門
縱拚淚飲防頻歎
且為耽書與細論
猿鶴幾時音信少
荒雞咿啞似山村

甲子除夕

還看上苑江梅蚤
卻憶樊川岍柳新
歛心長驚別舊
關河人老倦逢春
庭前燎火年光換
枕上鷄聲客夢頻
碎惡桃枝先插戶
六街車馬逐流塵

春日懷西園先生

流光堪把玩烟景
易風颺旅夢牽花
信春心著柳條露
多憐綠徑雨溼憶
紅橋將老甘離別
生涯付寂寥

卧病輟直奉簡內直諸公

半月雙扉晝掩深
瑣窗朱網憶沉沉
回驚廊閣三番仗
稍學仙人五戲禽
勾檢篋書稀日草
料量圍帶減塵襟
數憐温語垂天問
蒲柳先秋自不禁

聞雞寄逆旅故人

本置窗雞為報明
疎林殘月半宵聲
未回旅夢催人起
底似征蓬惜別情

戴文進畫漁家樂

曾寫紅袍綠水隅
衆中顏色果然殊
蓑衣箬笠雲天濶
可是秋江舊釣圖

七夕城南晚歸書興

碧落微雲月似鉤誰家簾捲曝衣樓流年巧婦斡紅粉
半世癡兒已白頭河漢星低清淺水關山人老別離秋
夜涼一枕殘書夢潦倒西風萬古愁

荅立齋都憲

涼風吹積雨晚景送新晴白筆秋吟興青編夜雨情名
多綾餅豔心並玉壺清遙望臺中柏蒼蒼翠更生

江村垂釣圖

江湖且莫羨垂綸畫裏漁竿枉似真試看渭濱圖羽獵
後車元載釣魚人

文衡山潑墨山水

供奉歸來野意閒紅欄綠浪五湖間誰知水墨蕭森物
畫出荆關著色山

曉雪懷王幼華都諫

浙瀝疎更外霏微小雪時映窗何曙蚤著樹欲銷遲寒
重花兼出霑輕葉暫隨坐殘鳩鵲影先遣掖垣知

雪夜懷簡翊聖

不見當時謔浪人鎗花如畫鬢如銀癡兒難了公家事
狂叟相憐自在身午夜雲山連雁影千門霜瓦冷魚鱗
風饕雪虐眠時蚤縮項寒廬一愴神

雪夜懷張子美子文

一片瑤華影霏霏入夜寒梅花疎故壘雪色滿長安漏
下清霜迴風高玉笛殘那堪羈旅夕蕭颯獨馮闌

當關

當關呼不買殘夢幾迷離鳥宿夜還散雞聲寒漸遲窗
梅風竊歷徑竹雪參差睡美輕鐘外何因得此時

卜居不定題家書後二首

題得鄉書附短吟地鑪紙帳覺蕭森姓名已受當時責
筋力空教老境侵蝴蝶夢魂寒抱影梅花風月夜同心
只須乞取青山在江北江南宅易尋
夢回夜氣勘分明已睡還醒萬慮生古堞夜烏啼自語
空梁山鬼嘯無情蔣山第宅終須棄潁水田園且未成
羸得寒宵渾不寐風簾鐘漏度三更

歲暮夜歸寫懷寄南谿游好二首

拂面流塵倦曲肱人間只欲醉騰騰此身至老終成錯
時輩多才合讓能雪徑數聲傳漏柝紙窗一酸讀書燈
絕交論廣休重擬五術平生實未曾
曉逐殘星暮落暉不成贈處不成歸尺書海內親朋斷
晚歲天涯弟妹違河柳秋橋人判袂野棠春社酒霑衣
叢祠西畔桑榆暖鼓笛聲殘隱翠微

病齒

平生未解巧如簧牙齒空然粲兩行善病終當留舌在
多愁應不及脣亡相逢已守金人戒獨坐誰憐玉麈妨
身老得閒差自慰雪梅烟竹倚殘陽

露滑閣憶南谿

遠望當歸亦枉然登臨遙憶在南川
亂山缺處杏花滿危閣前頭松影
圓短笛吹斜牛背日暮鐘聲散雁
行天清歌薄酒殘燈火此事拋離
又五年

乙丑除夕移入青藤館新居

五春三度移居日桃梗樹花總閉
關跌宕圖書新白髮漂搖風雨舊
青山署門自信交游少卜竈先祈
歲月閒預擬送窮還罷卻殘年留
伴老夫頑

午亭文編卷十三

男壯履恭較

